

- 150 Quorum quidam immolare consenserunt ydolis,
 Quidam mori decreverunt legibus pro patriis.
 Legem quoque Iudeorum combussit Antiochus,
 Sed et templum spoliavit ornamentis pluribus,
 In sanctificationem intrans cum superbia
- 155 Aureum tulit altare, luminis candelabra,
 Mensam propositiois atque libatoria
 Aureaque vasa valde concupiscibilia,
 Velum simul et coronas atque mortariola
 Sublatisque universis rediit ad propria.
- 160 Post hec misit duces suos ad cogendum populum
 Idolis sacrificare iuxta ritus gentium.
 Quibus Iudas Machabeus restitit viriliter
 Et cum eo fratres eius repugnantes fortiter
 Occiderunt duces multos missos ab Antiocho
- 165 Et superaverunt quosdam fugatos de prelio.
 f. 2^r. Post hec sancta mundaverunt a pollucionibus
 Universis et immundis ydolorum cultibus;
 Tunc altare construxerunt dedicantes Domino,
 Et leticia pergrandis facta est in populo.
- 170 Facta est a Salomone prima dedicacio
 Tempore sub autumnali, id est mense septimo,
 Legitur sub Esdra scriba facta veris tempore
 Et a Iuda Machabeo facta est in hyeme.
 Hec usque ad salvatoris perduravit tempora.
- 175 Hinc Iohannes scribens ait: 'Facta sunt encenia
 In Ierusalem et yems fuerat' et cetera.
 Ad prophetam Zachariam Gabriel archangelus,
 Cum in templo ministraret, missus est divinitus
 Nuncios, quod esset ei nasciturus filius;
- 180 Ait enim: 'Zacharia, ecce iam concipiet
 Uxor tua parietque filium Helisabet;
 Hic in ventre matris sancto spiritu replebitur,
 Et a te Iohannes eius nomen appellabitur.
 Erit enim puer iste magnus coram Domino,
- 185 Et in eius letabuntur multi natalicio;
 Hic in spiritu Helye ibit ante Dominum,
 De hoc loquitur propheta: 'ecce mitto angelum
 Ante te profectum tibi preparare populum',
 De quo etiam testatur rex salvator omnium:
- 190 'Nemo maior illo inter filios mulierum',
 Zacharias autem verbis distulit angelicis

Zwischen 150 und 151 ist 152 (bis 'combussit') von 1. Hand geschrieben und durchgestrichen, dann an seiner Stelle wiederholt. 151 'Qui' aus 'Quorum' verb. Hs. 163 'eo' aus 'eos' verb. Hs. 172 'edra' Hs. 174 'duravit' übergeschrieben Hs. 182 'spiritu sancto' Hs. 183 'a te' übergeschrieben Hs. 188 'preparatum' verb. in 'preparare' Hs.